

22 jalan di Putrajaya ditutup bagi sambutan Hari Kebangsaan

Oleh TUAN NURHIDAYAH TUAN AB.GHANI

25 Ogos 2023, 4:45 pm

KUALA LUMPUR – Sebanyak 22 jalan sekitar Putrajaya bakal ditutup sempena menjelangnya sambutan Hari Kebangsaan ke-66 di Dataran Putrajaya, 31 Ogos ini.

Ketua Polis Kuala Lumpur, Datuk Allaudeen Abdul Majid berkata, penutupan jalan secara berperingkat akan bermula seawal pukul 5 hingga 11 pagi.

Jelasnya, sebanyak 18 laluan akan ditutup pada 27 dan 28 Ogos ini bagi memberi laluan persiapan latihan raptai perbarisan sambutan sempena Hari Kebangsaan 2023.

Antara jalan yang ditutup adalah Persiaran Perdana ke Laman Perdana, Lebuh Saujana ke Persiaran Perdana dan ke Lebuh Wadi Ehsan, Lebuh Wawasan ke Lingkaran Gemilang 1, Lebuh Bestari ke Persiaran Perdana dan Jalan Kemerdekaan ke arah Persiaran Perdana.

“Pada 30 Ogos ini tiada sebarang raptai perbarisan akan diadakan (hari berehat) manakala pada hari sambutan iaitu 31 Ogos nanti sebanyak 22 jalan berhampiran Perbarisan Hari Merdeka akan ditutup seawal 5 pagi.

“Kita menjangkakan seramai 100,000 pengunjung akan hadir ke sambutan Hari Kebangsaan ini. Jadi, pengunjung yang ingin membawa kenderaan sendiri dimaklumkan bahawa tempat letak kenderaan adalah terhad,” ujarnya ketika sidang akhbar, di Ibu Pejabat Kontinjen Kuala Lumpur hari ini.

Allaudeen berkata, pengunjung digalakkan untuk menggunakan shuttle bus yang disediakan di Pusat Konvensyen Antarabangsa Putrajaya (PICC), Kompleks E dan Putrajaya Sentral serta Express Rail Link (ERL) serta Mass Rapid Transit (MRT) untuk ke lokasi.

“Bagi kenderaan e-hailing pula, boleh menurunkan penumpang di sekitar kawasan Masjid Besi, Kiblat Walk dan Jalan Tun Hussein (belakang Istana Kehakiman),” tambahnya.

Ujarnya, seramai 1,764 pegawai dan anggota terlibat dalam tugas bermula hari ini termasuk 171 anggota petugas trafik yang akan mengawal aliran trafik serta menjamin keselamatan di sekitar kawasan Putrajaya.

Berikut adalah senarai 22 jalan yang ditutup bagi acara Hari Kebangsaan ke-66 di Dataran Putrajaya:

Persiaran Perdana ke Laman Perdana
Lebuh Wawasan ke Persiaran Perdana dua-dua arah
Lebuh Saujana ke Persiaran Perdana
Lebuh Bestari ke Persiaran Perdana
Jalan Pembangunan dari arah Jalan Tun Abd Razak dan Jalan Permodenan
Jalan Kemerdekaan ke arah Persiaran Perdana
Jalan Tun Abd Razak ke Lebuh Wawasan
Jalan Tuanku Abd Rahman Lebu Wawasan
Jalan P3F ke Persiaran Perdana
Jalan P2K ke Persiaran Perdana
Jalan P3C ke Persiaran Perdana
Jalan P2S ke Persiaran Perdana
Jalan P2W ke Persiaran Perdana
Jalan P2P ke Persiaran Perdana
Lebuh Setia ke Persiaran Perdana
Jalan Persiaran Sultan Salahuddin Abdul Aziz Shah ke Bulatan Putra
Lebuh Setia ke Persiaran Perdana
Jalan Perpaduan ke Lingkaran Gemilang 1
Jalan Tun Hussein ke Lebu Bestari
Persimpangan Lebu Saujana/Persiaran Perdana
Lebu Sentosa ke Persiaran Perdana
Lebu Wadi Ehsan ke Persiaran Perdana – KOSMO! ONLINE